

HLB@SCHOOL

classroom
adventures...
EXPLORE • ENGAGE • EMPOWER

NOV 2023
EDISI 9



KEKAL SELAMAT DARIPADA SINDIKET PENIPUAN



Hi semua! Sambil kita meneruskan perjalanan pembelajaran tentang cara untuk menguruskan wang saku dengan bijak, ada satu perkara yang harus kita menguasai - melindungi diri kita daripada sindiket penipuan. Sindiket ini adalah seperti satu teka-teki yang rumit, dimana penipu (scammer) mencuba untuk mengambil semua barang ataupun maklumat yang bernilai. Penipu-penipu ini sangat licik dan mereka boleh menipu sesiapa pun, termasuk kanak-kanak. Hari ini, kami akan menunjukkan beberapa cara untuk mengesan dan menjaga daripada menjadi mangsa penipuan supaya anda dapat kekal berada selangkah di depan.

MENGESAN PENIPUAN!

WARNING

Nampak terlalu sempurna untuk ia menjadi benar: Ingat, jika sesuatu nampak terlalu mengagumkan untuk ia menjadi kenyataan, mungkin ia benar. Tiada sesiapa pun yang akan memberi barang-barang yang mewah secara percuma tanpa syarat.

WARNING

Pautan dan emel yang pelik: Sentiasa berjaga-jaga dengan pautan laman web yang pelik ataupun yang mengandungi salah eja. Ingat, syarikat yang benar akan menggunakan ejaan yang betul!

WARNING

Ancaman yang menakutkan: Penipu-penipu selalunya berpura-pura seperti sesuatu yang dahsyat/menakutkan telah berlaku, seperti komputer ataupun akaun Tik-Tok anda sudah pun digodam untuk cuba menakutkan anda. Jangan tertipu dengan penipuan mereka!

WARNING

Meminta maklumat peribadi: Sentiasa berjaga-jaga apabila anda diminta untuk memberi maklumat peribadi seperti alamat rumah, nombor telefon anda ataupun nombor telefon ibubapa anda. Maklumat peribadi anda amatlah berharga.



MELINDUNGI DIRI SENDIRI

JAGA MAKLUMAT ANDA

Jangan berkongsi maklumat peribadi seperti nama penuh, alamat rumah, sekolah atau nombor telefon dengan orang yang anda tidak kenal. Minta kebenaran ibu-bapa anda sekiranya anda ingin berkongsi nombor telefon anda dengan kawan-kawan anda.

KAWAN-KAWAN ATAS TALIAN

Bukan semua orang yang anda berjumpa atas talian ialah kawan anda. Sentiasa berjaga dengan siapa yang anda mempercayai.

KESAN MAKLUMAT PALSU

Belajar untuk mengesan laman web dan iklan palsu. Anda boleh menggunakan laman web Google untuk membuat pencarian bagi melindungi diri anda.

GUNAKAN KATA LALUAN YANG KUKUH

Gunakan kata laluan yang kukuh dan gunakan "pengesahan dua faktor" (satu sistem keselamatan yang memerlukan dua cara pengenalalan yang berbeza dan berasingan untuk mengakses sesuatu) untuk emel dan akaun media sosial anda. Ia dapat menambah lapisan keselamatan bagi akaun anda.

JENIS-JENIS PENIPUAN ATAS TALIAN

Pancingan Data: Sindiket penipuan ini dilakukan dimana penipu akan menghantar satu emel yang nampak seperti benar, namun ia bukan. Mereka hanya ingin "memancing" anda untuk memberi maklumat peribadi anda.

Penipuan Kerja: Sentiasa berwaspada dengan pesanan tentang kerja yang senang dan bergaji tinggi yang anda terima di aplikasi Whatsapp, Tiktok ataupun Instagram. Kanak-kanak sentiasa menjadi sasaran untuk penipuan sebegini. Selalu ingat untuk menyemak dengan ibu-bapa anda sebelum anda membuat apa-apa.

Penipuan Panggilan: Sindiket penipuan ini dilakukan dimana penipu akan berpura-pura seperti pegawai bank dan memanggil anda untuk mendapatkan maklumat peribadi ataupun wang anda. Berjaga-jaga apabila anda menggunakan telefon!

Penipuan media sosial: Kadang-kadang, penipu akan mencipta akaun media sosial yang palsu. Mereka akan berpura-pura seperti ahli keluarga atau kawan anda dan meminta bantuan anda untuk sesuatu yang tidak benar. Jangan tertipu dengan muslihat mereka!

Penipuan peraduan dan hadiah: Berhati-hati dengan peraduan yang dilakukan atas talian. Setengah peraduan yang diiklankan mungkin palsu dan matlamat mereka adalah untuk mendapatkan maklumat peribadi ataupun wang anda.

SENTIASA BERJAGA-JAGA. JIKA ADA SESUATU YANG TERASA PELIK ATAU ANDA BERASA TIDAK SELESA ATAS TALIAN, INGAT UNTUK MEMBERITAHU IBU BAPA ATAUPUN CIKGU ANDA. MEREKA SENTIASA ADA UNTUK MEMBANTU ANDA MENGEMUDI DUNIA DIGITAL DENGAN SELAMAT!